

საქართველოს ფინანსთა მინისტრის

ბრძანება №304

2024 წლის 18 სექტემბერი

ქ. თბილისი

„ბიუჯეტების შემოსულობების აღრიცხვა-ანგარიშგებისა და ანგარიშსწორების განხორციელებისა და ბიუჯეტში ზედმეტად ან შეცდომით გადახდილი შემოსულობის თანხის დაბრუნების, აღრიცხვისა და ანგარიშგების შესახებ“ საქართველოს ფინანსთა მინისტრის 2009 წლის 30 დეკემბრის №916 ბრძანებაში ცვლილების შეტანის თაობაზე

„ნორმატიული აქტების შესახებ“ საქართველოს ორგანული კანონის მე-20 მუხლის მე-4 პუნქტის შესაბამისად, ვბრძანებ:

მუხლი 1

„ბიუჯეტების შემოსულობების აღრიცხვა-ანგარიშგებისა და ანგარიშსწორების განხორციელებისა და ბიუჯეტში ზედმეტად ან შეცდომით გადახდილი შემოსულობის თანხის დაბრუნების, აღრიცხვისა და ანგარიშგების შესახებ“ საქართველოს ფინანსთა მინისტრის 2009 წლის 30 დეკემბრის №916 ბრძანებით (სსმ, №159, 30.12.2009, სარეგისტრაციო კოდი: 190.040.000.22.033.014.026) დამტკიცებულ ინსტრუქციაში შეტანილ იქნეს შემდეგი ცვლილება:

1. 13² მუხლის მე-10 პუნქტი ჩამოყალიბდეს შემდეგი რედაქციით:

„10. საქართველოს საგადასახადო კოდექსის 189-ე მუხლის მე-8 ნაწილით ან/და 198-ე მუხლის მე-3 ნაწილით გათვალისწინებულ შემთხვევაში წარმოქმნილი ზედმეტად გადახდილი თანხის დაბრუნების დროს წარდგენილ „მოთხოვნაში“ აღწერილი უნდა იყოს ზედმეტად გადახდილი თანხის გამომწვევი მიზეზები და მითითებული უნდა იქნეს მონაცემები მსუბუქი ავტომობილის/მოტოციკლის (მოპედის ჩათვლით) იმპორტის და ექსპორტის დამადასტურებელი საბაჟო დეკლარაციებიდან (დეკლარაციის ნომერი, თარიღი, შასს-ის ნომერი, დეკლარაციით დაანგარიშებული აქციზის ან/და იმპორტის გადასახადის თანხა).“

2. 13⁴ მუხლის:

ა) 1¹ პუნქტის შემდეგ დაემატოს შემდეგი შინაარსის 1² პუნქტი:

„1². ამ მუხლის პირველი და 1¹ პუნქტების მოქმედება არ ვრცელდება და გადასახადის გადამხდელს, მოთხოვნის შემთხვევაში, ხანდაზმულობის ვადის გათვალისწინებით, უბრუნდება ბიუჯეტში ზედმეტად გადახდილი თანხა, თუ მისი წარმოშობის საფუძველია:

ა) საგადასახადო ორგანოს საინკასო დავალებით გადასახადის გადამხდელის საბანკო ანგარიშიდან გადასახადის ან/და საგადასახადო სანქციის (მათ შორის, საბაჟო სანქციის) თანხის ჩამოწერა, თუ გადასახადის გადამხდელის მიერ იდენტიური ოდენობის თანხა გადახდილია ბიუჯეტში, გარდა ამ ინსტრუქციის 23-ე მუხლით გათვალისწინებული შემთხვევისა;

ბ) გადასახადის გადამხდელის მიერ სხვა ვალდებულებების (გარდა ბიუჯეტის წინაშე ვალდებულებების) დასაფარად თანხის გადახდა, რაც დასტურდება პირის მიერ წარმოდგენილი შესაბამისი ვალდებულების დაფარვის დამადასტურებელი დოკუმენტით, რომელში მითითებული (გადახდილი) თანხაც მოთხოვნილი თანხის ოდენობის ტოლია;

გ) საქართველოს საგადასახადო კოდექსის 181-ე მუხლის მე-2 ნაწილით, 189-ე მუხლის მე-8 ნაწილით ან/და 198-ე მუხლის მე-3 ნაწილით გათვალისწინებული შემთხვევა. ამასთან, ზედმეტობა გადასახადის გადამხდელის პირადი აღრიცხვის ბარათზე ასახული უნდა იყოს ამ მუხლის მე-3 და მე-4 პუნქტების შესაბამისად;



დ) საქართველოს საბაჟო კოდექსის 165-ე მუხლით განსაზღვრული ჯარიმისაგან გათავისუფლება ან ჯარიმის თანხის გაუქმება/შემცირება;

ე) თავისუფალ მიმოქცევაში გაშვების პროცედურაში მოქცევისას საბაჟო დეკლარაციით დარიცხული იმპორტის გადასახდელის თანხის ბიუჯეტში რამდენჯერმე გადახდა;

ვ) ინტერნეტბანკინგის ან/და სწრაფი გადახდის აპარატის მეშვეობით საგადასახადო ვალდებულების შესრულებისას, იდენტური თანხის ბიუჯეტში რამდენჯერმე გადახდა;

ზ) სხვა პირის საგადასახადო ვალდებულების შესასრულებლად ბიუჯეტში თანხის შეცდომით გადახდა, რაც დასტურდება პირის მიერ წარდგენილი შესაბამისი თანხის გადახდის დამადასტურებელი დოკუმენტით და იმ პირის დასტურით, რომლის ვალდებულების დასაფარად იქნა თანხა გადახდილი;

თ) ადმინისტრაციული ჯარიმის, ბუნებრივი რესურსებით სარგებლობის მოსაკრებლის, სათამაშო ბიზნესის მოსაკრებლის თანხის პირის მიერ ერთიან სახაზინო კოდზე შეცდომით გადახდა.”;

ბ) მე-4 პუნქტი ჩამოყალიბდეს შემდეგი რედაქციით:

„4. საქართველოს საგადასახადო კოდექსის 189-ე მუხლის მე-8 ნაწილითა და 198-ე მუხლის მე-3 ნაწილით განსაზღვრულ შემთხვევებში, იმპორტიორს სატრანსპორტო საშუალებაზე გადახდილი აქციზი და იმპორტის გადასახადი უბრუნდება პირადი აღრიცხვის ბარათზე არსებული იმ შესაბამისი ინფორმაციის საფუძველზე, რომელიც ბარათზე ასახულია საგადასახადო ორგანოს მიერ, გადამხდელის სათანადო მიმართვისას განხორციელებული პროცედურების შედეგად.“.

მუხლი 2

ეს ბრძანება ამოქმედდეს გამოქვეყნებისთანავე.

საქართველოს ფინანსთა მინისტრი

ლაშა ხუციშვილი

